

Broj: UP1-06-13-1-33-07/20
Mostar, 23.07.2020. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stava (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18., člana 40. stav (1) tačka c) i člana 43. stav (1) Pravilnika za izdavanje dozvola („Službene novine Federacije BiH“ broj 2/17 i 39/20), člana 11. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (2), člana 5., člana 6. stav (1), člana 8. i člana 9. stav (1) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19), postupajući po Zahtjevu za izmjenu i dopunu dozvole za rad broj UP1-06-13-1-33/20 od 12.05.2020. godine podnosioca zahtjeva SOLIK d.o.o. iz Prozor-Rame, Splitska bb., Prozor, Prozor - Rama, zastupanog po zakonskom zastupniku Ani Kudić, u postupku izmjene i dopune Dozvole za rad za proizvodnju električne energije broj 06-03-470/32/18, Regulatorna komisija za energiju u Federaciji Bosne i Hercegovine – FERK je dana 23.07.2020. godine na XII redovnoj sjednici donijela sljedeće

RJEŠENJE

1. Dozvola za rad za proizvodnju električne energije broj 06-03-470/32/18 izdata Rješenjem broj 06-03-470-08/32/18 od 27.08.2018. godine, te izmjenjena i dopunjena Rješenjem broj 06-03-666-06/19 od 22.08.2019. godine, imaoća dozvole SOLIK d.o.o. iz Prozor-Rame mijenja se i dopunjuje, te glasi kao u prilogu koji je sastavni dio ovog rješenja.
2. Utvrđuje se SOLIK d.o.o. iz Prozor-Rame status kvalifikovanog proizvođača u objektu solarne fotonaponske elektrane „Solik 1“, solarne fotonaponske elektrane „Solik 2“, solarne fotonaponske elektrane „Solik 3“, solarne fotonaponske elektrane „Solik 4“, solarne fotonaponske elektrane „Solik 5“, solarne fotonaponske elektrane „Solik 6“, solarne fotonaponske elektrane „Solik 7“, solarne fotonaponske elektrane „Solik 8“, solarne fotonaponske elektrane „Solik 9“, solarne fotonaponske elektrane „Solik 10“, solarne fotonaponske elektrane „Solik 11“ i solarne fotonaponske elektrane „Solik 12“, u periodu važenja dozvole iz tačke 3. ovog rješenja.
3. Dozvola za rad za proizvodnju električne energije iz tačke 1. ovog rješenja važi do 26.08.2028. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola za rad iz tačaka 1. i 3. ovog rješenja.
5. Imalac dozvole je obavezan platiti regulatornu naknadu za 2020. godinu u iznosu od 489,04 KM.

6. Imalac dozvole je regulatornu naknadu iz tačke 5. ovog rješenja obavezan platiti do 31.08.2020. godine.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

FERK je 12.05.2020. godine pod brojem UP1-06-13-1-33/20 primio od SOLIK d.o.o. iz Prozor-Rame Zahtjev za izmjenu i dopunu dozvole za rad, u postupku izmjene i dopune Dozvole za rad za proizvodnju električne energije broj 06-03-470/32/18, zbog izgradnje novog proizvodnog objekta solarne fotonaponske elektrane „Solik 1“, solarne fotonaponske elektrane „Solik 2“, solarne fotonaponske elektrane „Solik 3“, solarne fotonaponske elektrane „Solik 4“, solarne fotonaponske elektrane „Solik 5“, solarne fotonaponske elektrane „Solik 6“, solarne fotonaponske elektrane „Solik 7“, solarne fotonaponske elektrane „Solik 8“, solarne fotonaponske elektrane „Solik 9“, solarne fotonaponske elektrane „Solik 10“, solarne fotonaponske elektrane „Solik 11“ i solarne fotonaponske elektrane „Solik 12“. Dopuna istog zahtjeva primljena je u FERK 14.05.2020. godine pod brojem UP1-06-13-1-33-01/20.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izmjenu i dopunu dozvole za rad broj UP1-06-13-1-33-02/20 od 11.06.2020. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 16.06.2020. godine pod brojem UP1-06-13-1-33-03/20, dopis primljen u FERK 08.07.2020. godine pod brojem UP1-06-13-1-33-04/20 i dopis primljen u FERK 10.07.2020. godine pod brojem UP1-06-13-1-33-05/20, uz koje je dostavio traženu dokumentaciju i obrazloženja, a na osnovu kojih je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj UP1-06-13-1-33/20 od 12.05.2020. godine podnosioca zahtjeva SOLIK d.o.o. iz Prozor-Rame. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-33-06/20 od 14.07.2020. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 14.07. do 22.07.2020. godine do 13:00 sati, kao i da su lica koja imaju direktan interes da učestvuju u postupku izdavanja dozvole, pod uslovom da im je interes različit od opšteg javnog

interesa, imala mogućnost podnijeti zahtjev za sticanje statusa umješaća na adresu FERK-a ili na elektronsku adresu, u periodu od 14.07. do 22.07.2020. godine do 13:00 sati.

Do ostavljenog roka za dostavu pisanih komentara, odnosno do 22.07.2020. godine do 13:00 sati, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaća.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 6. stav (1) istog pravilnika propisano je da postojećim imaicima dozvola koji obavljaju djelatnost proizvodnje električne energije, a koji povećaju/smanje ukupnu instalisanu snagu svojih proizvodnih objekata i ako prelaze iz jedne kategorije u drugu, fiksni dio regulatorne naknade će se preračunavati u skladu sa tabelom iz člana 5. stav (2) ovog Pravilnika, od prvog dana perioda izmjene dozvole, a varijabilni dio regulatorne naknade utvrđivat će se primjenom procenta p (%) na ostvareni ukupni prihod iz prethodne poslovne godine i/ili na planirani ukupni prihod za tekuću godinu, a u skladu sa članom 5. stav (3) ovog Pravilnika. Članom 8. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaoća dozvole, dok je članom 9. stav (1) istog pravilnika propisano da će se novim imaicima dozvola za obavljanje elektroprivrednih djelatnosti i imaicima dozvola iz člana 6. stav (1) ovog Pravilnika iznos regulatorne naknade utvrditi/preračunati izdavanjem pojedinačnog rješenja u skladu sa članom 5., članom 6. i članom 8. ovog Pravilnika. Na osnovu navedenog Rješenjem broj 08-11-368/20 od 24.03.2020. godine SOLIK d.o.o. iz Prozor-Rame kao postojećem imaicu dozvole za rad za proizvodnju električne energije utvrđen je iznos regulatorne naknade za 2020. godinu u iznosu od 300,00 KM. Kako je imalac dozvole povećao ukupnu instalisanu snagu svojih proizvodnih objekata, regulatorna naknada za 2020. godinu preračunata je u skladu sa članom 5., članom 6. stav (1) i članom 8. Pravilnika o metodologiji i načinu obračuna regulatornih naknada za imaoce dozvola – Prečišćeni tekst, tako da fiksni dio regulatorne naknade za 2020. godinu sada iznosi 388,52 KM, te varijabilni dio regulatorne naknade za 2020. godinu sada iznosi 100,52 KM, kao i da ukupan iznos regulatorne naknade koju je imalac dozvole obavezan platiti za 2020. godinu sada iznosi 489,04 KM. O obavezi plaćanja regulatorne naknade imaicu dozvole će se ispostaviti obavještenje.

Na osnovu obrade Zahtjeva za izmjenu i dopunu dozvole za rad podnosioca SOLIK d.o.o. iz Prozor-Rame i dokumentacije priložene uz zahtjev, izvršena je izmjena i dopuna Dozvole za rad za proizvodnju električne energije broj 06-03-470/32/18, zbog izgradnje novog proizvodnog objekta solarne fotonaponske elektrane „Solik 1“, solarne fotonaponske elektrane „Solik 2“, solarne fotonaponske elektrane „Solik 3“, solarne fotonaponske elektrane „Solik 4“, solarne fotonaponske elektrane „Solik 5“, solarne fotonaponske elektrane „Solik 6“, solarne fotonaponske elektrane „Solik 7“, solarne fotonaponske elektrane „Solik 8“, solarne fotonaponske elektrane „Solik 9“, solarne fotonaponske elektrane „Solik 10“, solarne fotonaponske elektrane „Solik 11“ i solarne fotonaponske elektrane „Solik 12“. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, s tim da je period važenja dozvole ostao nepromijenjen. Postavljeni uslovi, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, stvaraju obavezu SOLIK d.o.o. iz Prozor-Rame da u rokovima propisanim u uslovima dozvole za rad za proizvodnju električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović

Dostaviti:

- SOLIK d.o.o. iz Prozor-Rame (poštom preporučeno uz dostavnicu)
- Operatoru za OIEiEK
- Sektoru za tehničke poslove i licence